

摘藻堂四庫全書薈要

集部

欽定四庫全書薈要

御定歷代題畫詩類卷三目錄

地理類

觀華夷圖

唐伍喬

觀華夷圖

唐曹松

觀輿圖有感

元金渭五首

河山形勝圖

金雷淵

河山形勝圖

金馮壁

東山老人河山形勝圖 金趙秉文

關河形勢圖 元王惲三首

山川圖詩呈解之昂御史 元朱德潤

金陵圖 唐韋莊

觀長安城圖 宋陸游

七言和王微之漁陽圖 宋沈文通

陝西圖 宋劉叔贛三首

跋范寬秦川圖 金麻九疇

范寬秦川圖

元元好問

秦山圖

元王惲

題驪山圖

元倪瓚

魯國圖

宋謝翱

題宋復古鞏洛圖

明謝徽

觀駱元直經進江南形勢圖

宋王庭珪

題華嶽江城圖

元楊載

劉道傳為李遠子微作青山似洛中圖為作歌以

系之 元張翥

吳秋山寫江淮秋意 元周權

為文舉畫泖山圖因題 元倪瓚

大姚山圖 宋米友仁三首

米元暉大姚山圖 元倪瓚

題沈氏所藏石田臨小米大姚江圖 明文徵明

題海虞錢氏所藏王均章虞山圖 明吳寬

自畫吾松小崑山 明董其昌二首

看畫常州圖迎新太守

宋楊萬里

題米元暉溧陽溪山圖

元陳旅

題倪雲林所畫義興山水圖

明高啓

為李瑞卿寺丞題王叔明義興山水圖

明吳寬

狼山晚晴圖

元楊維禎

荆溪圖

元鄭元祐

荆溪秋色圖為卜震亨題

元倪瓚

為王允同題陳惟允畫荆溪圖

明虞堪

題陳惟允荆溪圖

明張田二首

陳惟允荆溪圖

明王蒙

題倪元鎮畫荆溪清遠圖

明王燦

畫吳淞山色贈潘以仁

元倪瓚

黃彌守畫吳江新霽圖

金堯懷英

題啓南過吳江舊圖

明吳寬

題因老淞江煙雨圖

宋陳造二首

桃江圖

元程鉅夫

欽定四庫全書薈要卷一萬九千二百十一

集部

御定歷代題畫詩類卷三

地理類

觀華夷圖

唐
伍喬

別手應難及此精須知攢簇自心靈始於毫末分諸國
漸見圖中列四溟開路欲伸通楚勢蜀山俄聳入秦青
筆端盡現寰區事堪把長懸在戶庭

觀華夷圖

唐
曹松

落筆勝縮地展圖當晏寧中華屬貴分遠裔占何星分
寸辨諸嶽斗升觀四溟長疑未到處一一似曾經

觀輿圖有感

五首

元金渭

朝雨茅茨濕披圖羨禹功山河一掌上宇宙九疇中水
性惟趨下民生本易窮胼胝豈無事大智與天通

四載勤難繼八年績竟成

一作四履應難
辨三河尚可尋

功推城濮雋

澤想召陵深問鼎猶懷惡投龜肯易心向無微管嘆孰
憶到于今

輟已環諸夏居猶憶九夷難求伐木處尚想饋豚時夾

谷真成謗中年不易知惟存刪述事赫赫起周畿

一作哀

皓首陳王道時君孰可匡

一作當

艱難思稷契容易託齊

梁越豈資冠冕秦方用虎狼空聞歸大老不復見鷹揚

雒邑空南渡東都亦北轅已符前五閏

一作運

空憶後三

元

世謂漢唐宋為後代

分合巧相似今昔

一作短長

難等倫黃圖無內

外一統位

一作世

中原

河山形勝圖

金

雷

淵

高峰巨壑與天連
中國關防表裏全
北岸塵氛重回首
不知圖上看風煙

河山形勝圖

金馮璧

書劍丁年記昔游
中條之麓過蒲州
地形西控三秦遠
河勢南吞二華秋
晉魏兵爭一春夢
漢唐壇祀幾荒丘
披圖弔古今人慨
不必重登鸛雀樓

東山老人河山形勝圖

金趙秉文

太虛匠流峙造化
誰胚胎洪荒萬萬
古至今餘劫灰黃

河發崑崙匣怒不敢隴初徑龍門天下險勢如萬頃納
一杯桃花浪激不得上凡魚幾曝鱗與腮下趨神睢如
地底終古不到軒轅臺滿津沉沉卧虹影鐵牛駕浪輸
黃能千里一曲復一曲傾山倒嶽不復迴巨靈為東肘
首華為崩摧茆津濟師想勝槩搔首北望令心哀萬派
赴集津鼓聲如會垓神斧忽中斷鏡鑿何年開崖傾路
斷飛鳥絕輕舟一箭浮天來篙師絕叫未及瞬回望已
失雲濤堆但見兩厓蒼蒼半天外三門斗落如驚雷擘

窠大字誰所銘高山百丈磨蒼崖廟前劉公一片石龜
龍剥落生莓苔東軒先生生長三晉地回視韓魏空浮
埃想像舊遊處落筆如山頽胸中原自有河山寫出勝
槩何壯哉餘波到諸郎直氣凌斗魁况復文章妙天下
睥睨晁張顰蘇梅竹帛如山不經國安用江鮑稱詩才
劉夫子我有一杯酒澆汝胸崔嵬嗚呼聖道久榛塞孟
氏闢路誅蒿萊諸儒辛苦補罅漏未見巨手如排淮後
生索塗方摘埴雖有耳目如嬰孩祝君頽波作砥柱驅

入聖海無津涯劉夫子深藏什襲作龜鑑見君此圖吁
可懷

關河形勢圖

三首

元王惲

關河百二控秦頭滿目斜陽獨倚樓設險守邦須尚德
每多吳起說文侯

秦川展掌華山高千古關河締構牢早晚去施通濟手
浮航如畫鎖驚濤

壓關樓上醉憑欄一片黃流入斷山彼索此強俱寂寞

山河空鎖夕陽間

山川圖詩呈解之昂御史

元 朱德潤

山川結靈根厚地秉陰竅神功自模範嵒岨起雙嶠層巒倚天開仰盼絕飛鳥嵐光變氣候草木通深窈東山吾舊游紈素記行橐平生丘壑情藉此寫懷抱荆關竟已矣吁吮豈真好會當躡丹梯共登天門道

金陵圖

唐 韋 莊

誰為傷心畫不成畫人心逐世人情君看六幅南朝事

老木寒雲滿故城

觀長安城圖

宋陸游

許國雖堅鬢已斑
山南經歲望南山
橫戈上馬嗟心在
穿塹環城笑虜孱
日莫風煙傳隴上
秋高刁斗落雲間
三秦父老應惆悵
不見王師出散關

七言和王微之漁陽圖

宋沈文通

燕山自是漢家地
北望分明掌股間
休作畫圖張屋壁
空令壯士老朱顏

陝西圖 三首

宋 劉叔贛

干戈今日事關塞此圖看白日長安近蒼山隴坂寒由
來名百二自古有艱難指似安西道疑情竟據鞍
萬里靈州地他年漢朔方山河從割棄關輔急隄防轉
益豺狼窟堪嗟禮義鄉拔山須壯士看盡意蒼茫

河源來積石天馬涉流沙耳目成千古丹青在一涯荒
涼都護府斷絕使臣槎安得山西將收功似漢家

跋范寬秦川圖

金 麻九疇

山水人傳范家筆畫史推尊為第一竭來因看秦川圖
天下丹青能事畢大山巖巖如國君小山鬱鬱如陪臣
大石盤盤社與稷小石落落士與民一山一形似爭長
一石一態如布軍想君胸中有全秦見鑿削鑿鑿乃真
掌上長安近於日千樹萬樹生青春憶昔岐山鳳皇語
蔥蔥柞棧霑新雨昆夷束手密須降不見功勲見歌舞
黃金鑄牛西入轅五丁雲棧通中國驪山宮闕九天高
六處孱王走銜壁不信詩書信法家關東半被魚書惑

盡卷圖籍亦大好五十年兇都一掃章邯董翳舉如毛
沐猴冠委金陵道北原兵自天而下漢室傾頽如解瓦
祁山六出縱無功渭水猶堪飲君馬螭蟠老將骨未朽
草附那能濟陽九技癢投鞭抵歲星歸來鹿死何人手
神武空矜賀六渾投機常落周人後竟令馮翊軟沙邊
東風一夜吹新柳侵尋阜角相料理拋擲龍津浮汴水
鷁頭過處已非隋不覺晉陽人姓李華清高宴夏宮梧
舞馬如何護兩都縱待青驄還蜀道肉得沙場白骨無

興亡自取不足吁可憐神州為盜區貪徵往古山川事
忘却題詩賞畫圖

范寬秦川圖

元
元好問

亂山如馬爭欲前細路起伏蛇蜿蜒秦川之圖范寬筆
來從馬家書畫船變化開闔天機全濃澹覆露清而妍
雲興霞蔚幾千里看我如在峨嵋巔西山盤盤天與連
九點盡得齊州煙浮雲未清白日晚矯首四顧心茫然
全秦天地一大物雷雨瀕洞龍頭軒因山分勢合水力

眼底廓廓無齊燕我知寬也不辨此渠寧有筆如脩椽
紫髯落落西溪君長劒倚天冠切雲望之見之不可親
元龍未除湖海氣李白豈是蓬蒿人愛君恨不識君早
乃今得子胸中秦作詩一笑君應聞

秦山圖

詩元貞元年秋九月十四
日作時歲賤庚六十有九

元王惲

秦之為山何峻雄西連太白東華峰特隆天府樹巨屏
固蓄精祐開邵封黍離變雅西周東雲煙幻出嶠函宮

不信詩書顯法制百二山河纔兩世後來漢唐亦盛代
文物雖多終霸氣千年事往遺跡在留與來今鑒成敗
君不見烽燧臺羯鼓樓祖龍墓在山東頭丹青比興雅
頌作畫史固是非凡流半生薄宦走跋跋每恨西遊不
到秦我今年耄百事懶唯有懷古一念心猶存嘗聞雪
滿秦山圖天機貌畫終南真又聞髯張醉裏頭掉筆灑
遍人間雪色壁西溪君范華原嗚呼二者不復作令人
氣短心茫然一朝全秦大物忽當眼著我如在龍首山

之顛卷舒巨軸閱幾年兩都喬木今蒼煙其歸有數開
有先昔藏壽國今聽山二公異世俱稱賢畫兮畫兮得
其傳

題驪山圖

元倪瓚

校獵上林苑洗馬昆明池霜威肅笳鼓雲氣畫車旗馬
班陳賦詠衛霍綏蠻夷王風既未遠文明方在茲逶迤
霄漢上鳳皇尚來儀

魯國圖

宋謝翱

秋風嶽下城海客見圖新樹入舞雩里水來浮磬濱東
封餘輦路西狩問虞人被髮逢夫子狂歌作放民

題宋復古輦洛圖

明謝徽

青山輦洛舊林園髣髴昇平古意存雨外人歸秋葉浦
煙中鳥下夕陽邨昔年題字宸光合宋思陵題簽今日披圖
野興繁風景西湖仍不異惟餘故老說中原

觀駱元直經進江南形勢圖

宋王庭珪

異時漢網踈天討從教馬嘯江南草石頭重戍豈無兵

將軍不識丹陽道至今戰骨埋秋霜傷心不忍問耆老
龍蟠虎踞昔何雄赤壁濡須在眼中潯陽江水射蛟處
旌旗拂天來向東艨艟塞川不敢下昔人曾此破曹公
橫江九道波翻屋試請輕兵渡淮曲夜入長安人不知
應見畫圖心已熟他日將軍按此圖鼓行而西如破竹

題華嶽江城圖

元楊載

華嶽能詩世有名學畫丹青亦豪放此圖似寫安慶城
雉堞樓臺儼相向北風將至江面黑千艘萬艘爭避匿

滄溟涌溢水倒流南嶽動搖天柱側蛟龍戲落秋潭底
素練平鋪八千里時清好作釣魚翁閒弄輕舟煙霧裏
劉道傳為李遠子微作青山似洛中圖為作歌以

系之

元張翥

石頭城中有渺渺之秦淮秦淮東流入江遠其上疊巘
連層厓牛頭雙闕雲間開三山北山鬱煙霾六朝遺蹟
猶在眼千古往事徒興懷昔人謂此洛中似四面青山
圍二水劉侯熟識此景勝况復愛畫入骨髓五尺長紙

蘭不如乘興潑墨塗成圖
漁梁茅屋昏欲無
壞陵荒隴迷楸梧
寒潮已落斷岸濶
行人不渡扁舟孤
蒿邪邪漫漶那可辨
但見招提林杪直
下藏邨墟憶我羈游石
城日江烟山雨正
蕭瑟橫塘酒家好
新酒醉倚船窗看
奇崛只將健句寫
歸來却恨此時無
畫筆

吳秋山寫江淮秋意

元周權

江天漠漠秋無際
數點淮山冷屏翠
閒拈枯筆灑松腴
半幅生綃千里意

為文舉畫泖山圖因題

元倪瓚

華亭西畔路來訪舊時踪月浸半江水蓮開九朶峰酒
盃時可把林叟或相從興盡冷然去雲濤起壑松

大姚山圖

三首

宋米友仁

廣文當日官雖冷可奈才名振世何他日君家須炙手
而今聊復雀堪羅

老年尚喜管城子更愛好山江上青武林秋高曉欲雨
正若此畫雲冥冥

三茅別有洞中天我欲山居屏世緣累行積功多蛻舉
玉宸欣有地行仙

米元暉大姚山圖

元倪瓚

大姚湖水白生煙長物都除絕世緣笙鶴不為歸鶴怨
王仙真是勝丁仙

題沈氏所藏石田臨小米大姚江圖

有序

明文徵明

長洲沈氏舊藏小米真跡成化間有假中官之勢取

之石田為追摹此圖

春雲沉空山有無眼明見此姚江圖
圖窮爛熳得題字照人百顆驪龍珠
平生雅識敷文書紹興歲月仍不誣
豈知尤物能媒禍繭紙蘭亭已非故
石翁信是學行人能使邯鄲還故步
憶昔儉人賄為囿黷財更假狂闔手
千里珍竒歸檢括故家舊物那容守
沈氏藏茲二百年一朝掣去心茫然
誰言物聚必有散手澤相關常累歎
未能一笑付亡弓且喜百年還舊觀
豈余鈍眼錯顏標

抵掌真成孫叔敖區區不獨形模似更存風骨驪黃外
一時點筆迴通神得非小米是前身從來藝事關人品
敢謂今人非古人

題海虞錢氏所藏王均章虞山圖

明
吳寬

扁舟昆湖去憶向虞山還當時迫日暮未得窮躋攀至
今三短章寂寥不重刪安知六載後依然見茲山諒無
愚公愚賴有頑僊頑僊隱居處深林置柴關丹竈火

常伏藥闌苗載芟高情付縑素丹青色斑斑茲山卧平
野隱然不成環逶迤亦甚遠攢蹙何其慳咫尺見百里
羣峰互垂鬚飛鳥歸易没浮雲出偏間拂衣最奇麗空
巖故漩濺天風或稍定石壁仍潺潺仙宮對佛寺妙境
非人寰獨憐仲雍墓誰為剪榛菅短棹載書卷浩歌水
雲間髣髴歸菴翁往來寶嚴灣竊祿本無補乞身亦多
艱卧遊畢舊願坐嘯開塵顏

自畫吾松小崑山 二首

明
董其昌

崑山雖婉孌却似魯家丘故作廬峰勢青天瀑布流
夜游西園渚初月光炯炯徙倚巖石上愛此林木影

看畫常州圖迎新太守

宋楊萬里

畫工吮筆畫常州老子來看却自羞若遣此圖還解語
道儂調戲幾君侯

題米元暉溧陽溪山圖

元陳旅

宿雨散層巘林麓翳煙霏遙山斷復連川上初晰微我
昔困行役溧陽秋未歸幽子喬松流邂逅啓郊扉撫景

正若此別離嗟願違覽卷遂終日溪雲欲生衣

題倪雲林所畫義興山水圖

明高啓

嘗啜陽羨茗不遊陽羨山銅宮結秀色都在畫圖間樊
川醉遊處水榭依沙樹雲入縣城來溪流太湖去我愛
雲林生高歌無俗情石亭梅欲發須放酒船行

為李瑞卿寺丞題王叔明義興山水圖

明吳寬

陽羨山深懶杖藜卧遊三日路仍迷雲中望見乘舟者

始識遙通菴畫溪

狼山晚晴圖

元 楊維禎

樵東風雪夜無邊一別狼山已幾年今日江南攜畫看
玉峰十二倚青天

荆溪圖

元 鄭元祐

荆溪溪上首重迴豈意人間化劫灰只有斬蛟橋下水
可曾寫入畫圖來

荆溪秋色圖為卜震亨題

元 倪瓚

罨畫溪頭春水明上人逸筆思縱橫雲山多少元暉句
不道毫端畫得成

為王允同題陳惟允畫荆溪圖

明虞堪

好山都在太湖西
滿路風煙棘刺迷
華屋燕飛今在否
市橋官柳不勝題

題陳惟允荆溪圖

二首

明張田

人家綠樹繞孤城
溪上風波落日明
三害祠存人已去
只今豺虎却縱橫

歷亂茆堂草樹深
隱居蹤跡杳難尋
只應獨自攜琴去
小答松篁太古音

陳惟允荆溪圖

明王蒙

太湖西畔樹離離
故國溪山入夢思
遼鶴未歸人世換
歲時誰祭斬蛟祠

題倪元鎮畫荆溪清遠圖

明王燦

銅官山下縱清遊
每為餐松十日留
吹斷玉簫人去久
暮雲空鎖洞庭秋

畫吳淞山色贈潘以仁

元倪瓚

吳淞春水綠搖蕩半江雲漁舟衝雨出松聲渚際聞潘
郎狂嗜古容我醉書裙鼓柁他年去相從遠俗氛

黃彌守畫吳江新霽圖

金党懷英

江雲卷宿雨江風散晨煙山光煙雨潤欲滴影墮江水
空明間脩蛾新妝翠連娟下拂塵鏡窺明蠲漁舟來何
許觸破青茫然中流水肥魚逆上受網應有松鱸鮮借
問張季鷹西風幾時還漁郎理網喚不應但見水碧江

涵天如何塵埃中眼界有許寬道人胸次波萬頃為寫
此境清而妍蒼崖無塵樹影寒直欲坐我苔磯邊我家
竹溪陰小艇橫清漣異時赤脚踏兩舷不應尚作披圖
看

題啓南過吳江舊圖

明 吳 寬

吳淞江腹太湖頭雌霓連蜺卧碧流我昨經行覺尤勝
滿船明月下滄洲

題因老淞江煙雨圖

二首

宋 陳 造

遠峰近薄鑑中浮
每泊行舟十日留
雨望晴臨俱不惡
最憐煙靄暝高秋

千里湖山宿霧昏
倚闌一筆解平吞
漁郎好在收綸罷
想踞笭箬共一樽

桃江圖

元程鉅夫

大仰山前宿雨餘
桃枝江口正樵漁
何人乞得身無事
賸買雲山小結廬

御定歷代題畫詩類卷三



總校官庶吉士臣侍朝
校對官編修臣裴謙
膳錄監生臣劉昀

欽定四庫全書薈要

集部

御定歷代題畫詩類卷四

五

詳校官原任主事_臣李斯咏

欽定四庫全書薈要

御定歷代題畫詩類卷四目錄

地理類

奉觀嚴鄭公廳事岷山沱江畫圖十韻得忘字

唐

杜甫

嚴公廳宴同詠蜀道畫圖得空字

唐杜甫

題蜀道圖

宋晁說之

題蔣永仲蜀道圖

宋程俱



張道士蜀山圖

元虞集

王晉卿蜀道寒雲圖

元鄧文原

王晉卿蜀道寒雲

元吳鎮

題關山圖

元唐肅

蜀山圖

明貝瓊

劍門圖

元傅若金

劍閣秋陰圖

明林鴻

劍閣圖

明王景彰

蜀江圖

元袁桷

黃荃蜀江秋淨圖

元吳鎮

題蜀江雨霽圖

明藍智

酬雍才貽巴峽圖

唐薛氏

題蕭梅初舊所藏錢塘王畿圖

宋鄭思肖二首

周漢長公府臨安故城二圖

元張翥二首

題江南秋晚圖

明王景彰

題錢塘勝覽圖

明盧大雅

題米元暉吳興山水橫卷

宋范成大

為秋堂題錢舜舉所畫吳興山水圖

元陳泰

題申居士雪溪圖

宋韓駒

懶拙道人苔溪曉望圖

元張翥

米元暉苔溪春曉圖

明楊基

米元暉苔溪春曉圖

明劉敏

米元暉苔溪春曉圖

明胡隆成

苔溪春曉圖

明吳倫二首

秋日為方璽丞寫苔源圖

明李日華

蕭山圖

元程鉅夫

山陰春霽圖

元張翥

題彥敬越山圖

元趙孟頫

題高彥敬越山圖

元吳師道

越山清曉圖

元貢性之

題柴昆陵越山春曉圖

明李孝謙

越山圖為孫山人賦

明廖道南

題魯易之四明山水圖

元余闕

題三衢山水圖

明丘濬

陵陽春晚圖

明王翰

欽定四庫全書薈要卷一萬九千一百十二

集部

御定歷代題畫詩類卷四

地理類

奉觀嚴鄭公廳事岷山沱江畫圖十韻得忘字

唐

杜甫

沱水臨中座岷山到此堂
白波吹粉壁青嶂插雕梁
直訝杉松冷蕪疑菱苕
香雪雲虛點綴沙草得微茫
嶺雁隨毫末川蜺飲練光
霏紅洲蕊亂拂黛石蘿長
暗谷非

關雨丹楓不為霜秋城玄圃外景物洞庭傍繪事功殊
絕幽襟興激昂從來謝太傅丘壑道難忘

嚴公廳宴同詠蜀道畫圖得空字

唐

杜甫

日臨公館靜畫列地圖雄劒閣星橋北松州雪嶺東華
夷山不斷吳蜀水相通興興煙霞會清樽幸不空

題蜀道圖

宋

晁說之

山鈎樹白何年歲流瀑可聽下無地行人愁絕却無愁
始信宜歌蜀道易

題蔣永仲蜀道圖

宋程俱

梓州別駕真雛鳳，賞古探奇坐飢凍。
要窺瓊宇蔚藍天，直上潼江歷秦宋。
每逢佳處靜盤礴，流出胸中九雲夢。
乾坤垓垓本無迹，我獨毫端發神用。
戲驅萬變寄陶寫，軒豁端倪巧搏控。
蒼筠擢秀飽冰雪，古榦撐空中梁棟。
奇礪那得在山谷，回首何年委堅重。
輪囷偃蓋屈金鐵，夭矯驚蚪起巖洞。
春江莽蒼迷東西，漢南老柳參差垂。
煙中遠近見木末，明星已沒城烏啼。
平生險怪三峽水，

古木龍從陰風吹石間雷電殷九地出入噴薄無窮時
我身趼足半天下偃蹇故是山林姿南行瀟霍北嵩洛
應接不暇空狂癡作詩寫意如捕景况有三絕窮天機
清晨對此恍自失眼中太白橫我媚請君什襲秘緹革
恐復仙去歸無期

張道士蜀山圖

元虞集

碧玉參天是蜀山舊曾飛度歷孱顏松風上接空歌外
蘿月長懸合景間試劒丹崖秋隼疾濯纓清澗夜龍閒

君家虛靖歸來日冉冉蓬壺為憶還

王晉卿蜀道寒雲圖

元
鄧文原

巨靈何年移五岳石扇中開兩崖削峽中六月清風寒
仰視青冥何漠漠碧溪屈曲通冷泉紺葉玲瓏帶籬落
勾連石棧不可梯縹緲烟中見樓閣行行遊子幾經年
幾度空林愁夜鶴仙峰歷覽豈不嘉還憶白雲舊巖壑
江城過雨秋氣涼時有疎鐘度寥廓山林如此誰能為
都尉丹青深問學當年故習一銷鎔三百餘年無與角

君家珍祕在雲房六時展對忘離索我詩渠畫相後先
固應不負三生約

王晉卿蜀道寒雲

元 吳 鎮

蜀道何年闢猿猱若畏攀雲依古木靜梵唄禪關閒野
店市未散斜傍河梁間行人自南北飛鳥互往還雞鳴
遍邨落舟行溜潺潺青松紛滿目夕陽并在山誰云畫
圖表徒然見一班

題關山圖

元 唐 肅

羊腸盤盤走青泥
關門晝開與天齊
行人望天天可梯
只愁獺吟鷓鴣啼
鷓鴣啼時車轆轤
獺吟復斷車未宿
試問山靈有山來
幾車安行幾車覆
我脚未知蜀道難
何物畫圖使心酸
莫嗟蜀道險如此
中原崎嶇不受履

蜀山圖

明
貝瓊

連峰接岫寫秦州
雨洗蛾眉積翠浮
石出劒門皆北向
水通鹽澤自西流
松頭一片秋雲濕
鳥背千盤細路幽
策馬匆匆度關客
何如漁父一扁舟

劒門圖

元傳若金

劒門天下險亦復天下壯崢嶸扼西南氣欲軋萬象石
壁摩往來風湍東奔放深蟠虛無底峭出日月上二儀
含崎嶇萬古設眺望一夫或當關強敵不敢傍胡為昔
人國恃此亦傾喪聖朝今無外皇化極浩蕩勢狹秦漢
爭治同唐虞讓乃知不在險六合德可王前年南中行
其地少平曠縣車度重隘束馬下疊嶂翻疑蜀道坦劒
閣固殊狀及此觀畫圖間關愁西向浮雲從中來日莫

一惆悵

劔閣秋陰圖

明林鴻

分野秦封盡山川蜀國雄
塹江流地底劔閣起天中
棧險崖頻轉蘿深月不通
飛揚慙白帝開闢憶蠶叢
氣候三秋異猿聲衆壑同
棟雲常礙日巖樹遞呼風
客路隨飛鳥鄉心掛落楓
茲非曠達士應此泣途窮

劔閣圖

明王景彰

劔閣雲棧高嵯峨嘉陵江水揚清波
神扃鬼鑿閼幽關

秋風古道無人過一朝日華忽西被宇宙淋漓盪元氣
霆轟颶舉神龍迷山川草木皆生意乃知世道有晦明
蜀山萬仞如砥平聖人在位四海清

蜀江圖

元
袁
桷

三峽盤渦濫灝堆層巒百丈鼓聲催從今盡向金牛路
杜宇深啼喚不回

黃荃蜀江秋淨圖

元
吳
鎮

暮煙漠漠一江秋疎樹依稀見遠舟風度鐘聲來古寺

人隨鴈影過前洲雲銷碧落天無際波撼黃山地欲浮
應識箇中清絕處成都畫史筆端收

題蜀江雨霽圖

明藍智

瞿塘雨過起春濶空翠樓臺杳靄間萬里橋西花似錦
暮雲依舊隔巫山

酬雍才貽巴峽圖

唐薛氏名濤

千疊雲峰萬頃湖白波分去遶荆吳感君識我枕流意
重示瞿塘峽口圖

題蕭梅初舊所藏錢塘王畿圖

二首

宋 鄭思肖

陰山戎馬蹂京塵，鎖殺宮花不識春。
哭問錢塘江上月，如今誰是去邠人。

撫膺唁國問蒼蒼，嘆喑聲中喜氣昌。
偷報故都忠義士，趙家天下又南陽。

周漢長公府臨安故城二圖

二首

元 張翥

主家樓觀鬱參差想見當年全盛時宮草細侵行輦路
苑花深覆泛舟池瑤臺仙去塵生海甲帳神來風滿旗
好在畫圖留勝蹟五雲長護鶴笙祠

南渡君臣建業偏不堪喬木黯風煙豈知白馬興王後
又到紅羊換劫年三輔黃圖空郡國六朝王氣渺山川
白頭開府歸來日應覽遺蹤一愴然

題江南秋晚圖

明 王景彰

十年不踏錢塘路江上晴烟渺輕素并刀誰剪秋半簾

夕陽正在西陵樹對之便欲發浩歌西風蕭蕭水增波
胥濤已入亂山去木落臺空幽思多

題錢塘勝覽圖

明
盧大雅

南渡衣冠委草萊危亭高處海門開雲霞都邑雄中國
月露軒窗逼上台春夢已隨流水去寒潮自領夕陽來
小樓題畫因惆悵豈獨昆明有劫灰

題米元暉吳興山水橫卷

宋
范成大

道場山麓接何山影落苕溪浸碧瀾只欠荷花三十里

櫺頭船上把漁竿

為秋堂題錢舜舉所畫吳興山水圖

元陳泰

畫師小景如傳神自昔水墨無丹青老錢變法米家譜
妙在短幅開烟屏烟屏咫尺互明滅赤城霞起山陰雪
松風四月五月時坐定還宜棹歌發秋堂吏隱當洪都
對畫却憶蓴絲鱸吳興山水雖可摹老錢丹青今世無

題申居士雪溪圖

宋韓駒

雪溪居士買山圖碧玉峰前碧玉湖中有一邱容我老
暮年居士肯分無

懶拙道人苕溪曉望圖

元張翥

憶昔薄遊苕之城溪光近秋山曉晴連峰接嶂望不及
惟有白雲縱復橫漁邨無林樹墨色微風忽起菰蒲聲
月從太湖東畔出直射西塞山前明人家碧玉壺中住
野舫銀河天上行酒酣時起發長嘯水底直遣魚龍驚
老暉向此亦盤礴安知今我非三生盡搜萬象入奇筆

畫與詩境俱崢嶸
吾家苔中有茅屋
京塵滿鬢難為情
頓令扁舟夜入夢
萬頃鷗波歸濯纓

米元暉苔溪春曉圖

明楊基

碧瀾堂下看鷗波
曾記蘭舟向曉過
蒲寺白雲春樹少
兩溪微雨落花多
蒲光煖泛煙光濕
草氣濃兼水氣和
欲向畫圖尋舊跡
老懷無計奈愁何

米元暉苔溪春曉圖

明劉敏

渺渺烟蕪漾曉波
餘才叨祿每曾過
揚帆估客凌晨少

擊榜漁舟出浦多
山寺雨晴雲氣黯
溪亭風暖鳥聲和
披圖好似蒼茫意
景想前人奈遠何

米元暉苔溪春曉圖

明 胡隆成

米家名畫可誰論
愛此苔溪春曉邨
五色昔經虹下貫
百年俄與氣俱昏
酒香春葉文魚出
歌起滄浪白鳥喧
料得意行隨遠近
展圖思憇樹陰繁

苔溪春曉圖

二首

明 吳倫

夜聽溪上雨
曉看溪上山
雨歇山更佳
尚在空濛間

白雲掩疎鐘綠樹迷遠島居人想未起邛邛自啼鳥

秋日為方壘丞寫苔源圖

明李日華

昔從苔上過面面是雲峰水向高巖落橋將絕澗通岼
花秋點綴崖樹畫冥濛此地神仙窟曾經住葛翁

蕭山圖

元程鉅夫

回首江西最上

闕一
字

山隨人姓尚為蕭客行天下三十

載家住溪山第幾橋日冷雲松朝漠漠月明風谷夜迢迢
迢夢回枕上聽春雨記著東園長藥苗

山陰春霽圖

元張翥

晝畫溪頭春水波，美人蘭櫂遠來過。
杯如賀老稽山酒，曲有吳兒小海歌。
樓館雲晴空翠濕，汀洲花暗夕陽多。
只今粉墨餘高致，愁絕樵風冷薜蘿。

題彥敬越山圖

元趙孟頫

越山隔濤江，風起不可渡。
時於圖中看，居然在煙霧。

題高彥敬越山圖

元吳師道

潮平風定，日落雲白山。
青雨乾，憶得晚秋天氣，浙江亭。

上凭欄

越山清曉圖

元 貢性之

曙光晴散越王臺，萬壑千巖錦繡開。
歌枕僧鐘雲外落，卷簾漁唱鏡中來。
樹藏茅屋雞聲斷，露濕松巢鶴夢回。
安得畫圖分隙地，移家仍住小蓬萊。

題柴昆陵越山春曉圖

明 李孝謙

君莫著謝公登山屐，更莫問子猷泛雪舟。
請君試看高堂壁，髣髴李白天姥夢中遊。
於越山川甲天下，秦關蜀

道皆土苴柴侯晚年天機精酒酣潑墨為予寫天姥高
出東南天天台四明相蟬聯影落平湖一鑑靜正對賀
老山莊前近山青青遠山小煙霧冥濛漲春曉雲門日
出似聞鐘邪溪樹綠應啼鳥鳥啼不可聞林深不見雲
只疑空青四山合倏訝飛瀑雙崖奔極知妙手奪天造
真宰上訴天應笑獨脚山魈作鬼精偷向靈巖拾竒草
水竹江花何處灘漁郎翠蓑露未乾青帘酒家石橋右
艤舟却憶姚江干長松之下一片石竹杖芒屨二三客

幌中高挂白雲邊
醉倚青天翠如碧

越山圖

為孫山人賦

明 廖道南

越王山中春鳥鳴
越王臺下晴嵐生
溪流十里龍湫杳
湖水半灣鷗嶼明
何年卜築向茲土
青山四面當軒戶
疎松偃蹇千層霄
修竹檀欒宿深雨
我聞山人孫思邈
春來瑤圃栽仙藥
洞裏丹經封石函
牀頭素帙披風壑
山人有子皆俊英
元方供奉白玉京
仲也清姿抱奇特
季子懋學揚芳聲
繫昔尚平負遐志
五岳尋真了無累

矧茲蘭玉滿秋堂仰視浮雲小天地此心自足夫何圖
昔我非我今故吾禹穴冥探望東海胥潮晴泛游西湖
遙望蓬萊散霞綺金宮貝闕含蒼紫安期羨門相為徒
飈馭雲車千萬里噫嘻吁飈馭雲車千萬里

題魯易之四明山水圖

元余闕

窗中望蒼翠春木起晨霏孤嶂纔盈尺長松未合圍蕭
蕭此仙客日日候巖扉念爾空延佇王孫且未歸

題三衢山水圖

明丘濬

我聞太末之區富山水形勝東南獨專美一川素縠皺
秋紋萬疊銀屏絢霞綺九龍作臣青翠深金溪迢遞來
鴉金婺女鏡臺雲裏現偃王玉研水中沉山趾依依僧
寺小湖心泛泛漁舟杳石橋野色曉平分古壁雲根寒
不老長松落落幾丈強深林灌木相低昂綠蘿暗掛千
巖雨白瀑晴飛百道霜碧沙翠竹江邨路何人結屋依
雲住得非龍丘養高所無乃安貞讀書處讀書不干萬
乘君黃冠野服甘隱淪興來垂綸釣綠水醉後荷鋤鑿

白雲白雲深處多幽侶一笑相看興容與有時綴席聯
詩篇有時對酒談今古山中之樂樂不窮髣髴尚有太
古風古風遼邈不可復坐對此圖懷此翁此翁今年年
幾許白首林泉無恙否幾欲為賦招隱篇招之不來奈
何汝也知不是忘世人教子已見登青雲唐虞在上有
巢許山靈不用重移文

陵陽春晚圖

明王翰

陵陽山下林亭好更有高人爲卜鄰幾箇修篁鳴翠雨

一溪流水隔紅塵
靈龍過澗能迎客
幽鳥到窓如喚人
少住梁園驚歲月
春來頓覺夢歸頻

御定歷代題畫詩類卷四

欽定四庫全書薈要

御定歷代題畫詩類卷五目錄

地理類

觀明州圖

宋王安石

虔州八境圖

宋蘇軾八首

題馬遠信州圖

元納新

康州圖

明陸弼

高彥敬黃州雲山圖

元馬祖常

題王仲弘縣尹所藏高彥敬尚書巴陵山水圖

元

鄭韶

西江圖

元吳師道

張司徒所畫山國圖歌

明顧璘

楚山秋曉圖

金劉迎

跋伯玉命簡之臨米元章楚山圖

金麻九疇

楚山清曉圖

元元好問

題洪谷子楚山秋晚圖

元鄧文原

米敷文楚山清曉卷 元鄧文原

普照寺楚山圖 元郭畀

題楚山春曉圖 元文矩

荆洪谷楚山秋晚圖 元黃公望

洪谷子楚山秋晚 元吳鎮

楚山清曉圖 明李日華

題米元暉楚江清曉圖 元王惲二首

題楚江秋曉圖 元丁復

題楚江秋曉圖

元鄭東

題楚江秋曉卷

元韓奕

題楚江秋曉卷

元胡奎

題燕穆之楚江秋曉圖

元俞行之

燕穆之楚江秋曉圖

元秦衡

燕穆之楚江秋曉圖

元沈應

題楚江秋曉卷

元賀言

題趙松雪楚江清曉

元于立

題楚江秋曉卷

元吳文泰

題燕穆之楚江秋曉圖

元翟政

題燕穆之楚江秋曉圖

元曹恕

題楚江秋曉卷

元僧普震

題楚江秋意圖

明楊基

楚江清遠圖

明張羽四首

題燕穆之楚江秋曉圖

明陳寬

楚江晴曉圖

明吳文恭

題鄭德彰員外所藏高彥敬畫楚江春曉圖

明藍

智

楚江秋曉卷

明沈周

楚雲湘水圖歌

元龔璘

題晴川圖

元岑安卿

清江圖

元貢性之

題洋江林彥禎所藏洋江春晚圖

明陳亮

太平寺水

宋楊萬里

題馬遠十二水

明王世貞

遠覽圖

明廖道南

江皋圖

明李廷興

欽定四庫全書薈要卷一萬九千一百十三

集部

御定歷代題畫詩類卷五

地理類

觀明州圖

宋

王安石

明州城郭畫中傳尚記西亭一艤船
投老心情非復昔當時山水故依然

虔州八境圖

八首

宋

蘇軾

坐看奔灘繞石樓使君高會百無憂
三犀竊鄙秦太守

八詠聊同沈隱侯

濤頭寂寞打城還
章貢臺前莫靄寒
倦客登臨無限思
孤雲落日是長安

白鵲樓前翠竹堆
縈雲嶺路若為開
故人應在千山外
不寄梅花遠信來

朱樓深處日微明
卓蓋歸時酒半醒
薄暮漁樵人去盡
碧谿青嶂遶螺亭

使君那暇日參禪
一望叢林一悵然
成佛莫教靈運後

著鞭從使祖生先

却從塵外望塵中無限樓臺煙雨濛山水照人迷向背
只尋孤塢認西東

煙雲縹緲鬱孤臺積翠浮空雨半開想見之罍觀海市
絳宮明滅是蓬萊

回峰亂嶂鬱參差雲外高人世得知誰向空山弄明月
山中木客解吟詩

題馬遠信州圖

元納新

昔解靈溪纜相將下信州人家臨水岸鼓角起城頭雲
積龜峰雨江分蠡澤秋開圖見山郭千里思悠悠

康州圖

明陸弼

亂山無徑不通樵漁舍陰陰映綠蕉樹杪泥乾江水落
邨邊沙白瘴煙消

高彥敬黃州雲山圖

元馬祖常

雲山萬疊江南岸江北高樓眺望時晴靄蔽虧橋過市
夕霏蒼蔚樹連枝行人不帶遮塵帽遊客嘗攜注酒卮

我有故園淮水上竹岡相接到黃陂

題王仲弘縣尹所藏高彥敬尚書巴陵山水圖

元
郊
韶

尚書愛畫山落筆生遠色微茫洞庭野迴與湘渚隔青
山迤邐盤春空江波欲落江樹重望中雲夢開七澤猿
啼直與巴陵通王郎家住巴陵道按圖只說巴陵好巴
陵女兒歌竹枝微風落日行人少山中春雨生石田柴
門流水聲濺濺釣竿長日倚沙樹扁舟中閣生晴煙愛

此只合山中住十年作官不歸去高堂見晝夜夢之墓
中離離濕秋露白頭官滿思轉多江南酒美仍蹉跎人
生得意夜行樂酒酣且和巴陵歌王郎王郎奈爾何

西江圖

元 吳師道

西山翠湧大江流歷歷開圖記昔遊寂寞滕王舊時閣
秋風斜日下城頭

張司徒所畫山國圖歌

明 顧璘

滇南一道盤雲上永昌巍巍更西望水流直入洱海深

陸地芙蓉矗相向小石紛磊磊大石高盤陀連空互撐
疊仰睇青嵯峨攢峰插牛斗飛澗懸天河崩崖傾斷下
無地但見猿猱掛胃號煙蘿丹砂空青的皪巖阿寶玉
夜炯靈光盪摩天門洞開紫宮逶迤玉女對侍星官駢
羅至高之極始見此遼絕下奈諸方何馬蹄緘鐵尚不
得度行人跛鼈馬能過我生水國多見水不圖山高乃
如此畫家山水貴相半吁嗟誰悉寰區理南園大老司
徒公維山降神為世雄晚張能事發新格盡吐硯礪之

心胸引縑迅埽鳴長風顛林倒壑貌不同蒼雲黯慘喧
霹靂白日照耀開鴻濛蛟龍盤拏古木死蟬螭漂疾飛
梁通千巒萬嶂堆墨華忽然平曠披風沙櫟榆開鑿雋
君國桃源點綴秦人家孤城四面削玄壁危樓仄立明
丹霞時清頗知官府靜化遠亦愛蠻夷嘉老翁戲獵逐
黃犬嬌女明妝簪素花形勝分明在指顧風俗想像增
咨嗟騰衝靡莫餘千里部落微茫分遠邇更揮淡墨灑
餘姿遂使天涯窮尺紙昨逢伯子示此圖瞠目驚歎從

前無乃知山嶽氣磅礴不用濫漫談江湖今之好山有
二老太原司馬吳門都見此寄書定相索公乎公乎須
寫數本萬里絡繹傳吾徒

楚山秋曉圖

金劉迎

山娟娟江茫茫緣山林木老已蒼穿林細路縈羊腸汀
洲人家蘭杜香兩山秀出江中央宛如雙劍森鋒鋸層
巒架空化寶坊塢波突兀一氣傍雞聲喔喔林鳥翔顧
瞻曙色開東方清風宿霧方蒼涼兜羅繚網淡平野紫

磨金餅瞰扶桑櫓聲才動欲離岸鐘韻已殘猶殷牀當年有米維楚狂生子亦復肖阿章想從乃翁住朝陽收拾山綠餐湖光膝前翰墨觀琳琅此圖戲出遂擅場彼衆史者何敢當不然安得牙籤犀軸古錦囊賞覽一朝蒙古皇

跋伯玉命簡之臨米元章楚山圖

金
麻九疇

巴東峽壁如駭霞天鑿荆門當虎牙下有奔湍沉碧沙

直衝北固如投家雲煙昏曉互明滅朝看沃日暮吞月

遠山如指近如拳過客那知空一瞥高人廬此恨來晚
不厭孤篷疊往返莫言造物好窮人許大乾坤富君眼
以心為鏡照諸山山如人面紛殊顏扁舟日日青山上
青山却在滄波間人道癡兒固貪取我怪高人亦如許
已將胸次衽長江更把豪端扛巨楚薺列楓林葉浮舸
巧捉魁梧入么麼丈尋收拾無邊春千里遊遨坐中我
自此頭吳尾甌越蠻煙五月髡人髮江山多處乃爾毒

始信中原天下甲，楚山可覽不可上。
水氣昏昏且多恙，畫山縱不到真山。
有楚之峰無楚瘴，靜明居士見山饒。
想在庵中得飽參，戲呼老李臨君畫。
已坐君貪我更貪，楚山清曉圖。

元
元好問

雨潤煙濃十二峰，雲間合有楚王宮。
遙知別後西州夢，一抹春愁淺淡中。

題洪谷子楚山秋晚圖

元
鄧文原

舊如洪谷古先儔，五尺橫圖見十洲。
千嶂排空青玉立，

一江流水白雲浮
瑤簷共話當年雨
丹葉誰憐滿徑秋
最是無聲詩思好
恍然身在赤城遊

米敦文楚山清曉卷

元 鄧文原

濛濛煙樹楚江湄
寂寞漁邨護短籬
雲夢舟中春睡足
醉餘猶記牧之詩

普照寺楚山圖

元 郭畀

白衣處士息羣機
高閣登臨送夕暉
吳地荒涼征馬盡
楚山空濶斷鴻飛
畫一作圖 間塢影來朱戶月
落鐘聲隱

翠微直下先人散廬在暮年蓮社得相依

題楚山春曉圖

元文矩

荆門雪霽江樹芳巫峽冉冉愁雲長山猿杜鵑叫落日
風灑露沐何蒼涼六龍從東來曉氣開扶桑天高雨絕
人事變解環結佩空相望渚宮西蒞連三湘畫中隱隱
聽鳴榔安得置我棲其旁為君一曲歌滄浪

荆洪谷楚山秋晚圖

有序

元黃公望

洪谷子有云吳道子畫山水有筆而無墨項容有墨

而無筆吾當采二子所長成一家之格以此則知其
未嘗不好古而亦未嘗不好學今太樸先生近購所
畫楚山秋晚圖骨體竄絕思致高深誠有合於斯語
非南宋人所得夢見也因賦以短句

天高氣肅萬峰青
荇苒雲煙滿戶庭
逕僻忽驚黃葉下
樹荒猶聽午雞鳴
山翁有約談真訣
野客無心任醉醒
最是一窗秋色好
當年洪谷舊知名

洪谷子楚山秋晚

元
吳鎮

洪谷仙去五百年丹青流落何翛然九疑之山何突兀
亂雲慘澹秋風前尋幽忽有蓬萊仙歌聲隱約清溪邊
蕭蕭木葉下無際不見歸來張季船前邨後邨高復下
遠渚近渚斷又連夕照遲遲俯西川樹底人家起碧煙
卷中妙境無窮已揮毫聊爾紀新篇

楚山清曉圖

明
李日華

門前溪曲流花遠屋後山高見月遲剛道巫雲多旖旎
楚山偏覺富情思

題米元暉楚江清曉圖

二首

元王暉

元暉筆力儘清雄
兩岸青山似越中
六鑿近年攘欲盡
蒼煙無復曉冥濛

江邊墟落靜荒煙
林鴉依然井臼全
若比石壕更瀟灑
入山多避過都錢

題楚江清曉圖

元丁復

海色澄明霞欲生
白煙樓閣靜崢嶸
青楓江上船已發
苦竹嶺頭人未行

題楚江清曉圖

元 鄭東

樹碧江寒日出遲青山雲起亦多時
幾回船屋緣貪睡佳氣朝來竟不知

題楚江秋曉卷

元 韓奕

蒼茫巫峽曉搖落楚天秋神女千年廟
商人萬里舟詩中曾想賦畫裏每思遊
江海平生志窮經老一丘

題楚江秋曉卷

元 胡奎

日出楚山碧照見龍鱗波扁舟何處即
解唱竹枝歌神

女朝雲裏啼猿秋樹多蒼梧望不極遠意當如何

題燕穆之楚江秋曉圖

元 俞行之

本自為農住一丘却攜書劍歷河洲龍門碣石尋常到
鴈宕天台汗漫遊風舸順流如驟馬人生隨處若浮鷗
夜來又作江湖夢剩水殘山總是愁

燕穆之楚江秋曉圖

元 秦衡

幾聲哀角起寒譙一夜清霜脆柳條浦嶼未明滄海日
客帆應發楚江潮山經太白西來險鴈轉衡陽北去遙

愧我無才重弔屈忠魂千古有誰招

燕穆之楚江秋曉圖

元 沈 應

曾記蘼葭水廟東客心爭渡曉雞中平蕪月落三湘路
千里孤舟一鴈風別去鄉關猶在夢老來江海尚飄蓬
何因得似閒鷗鳥兩兩沙邊睡正濃

題楚江秋曉卷

元 賀 言

月落楚江空秋林待日紅船開飛葉雨人渡長潮風閣
影濤聲外山形曙色中神仙問何在有路想難通

題趙松雪楚江清曉

元于立

曾從江上繫孤舟
渺渺清江萬里流
兩岸青山春正曉
一聲鳴櫓下揚州

題楚江秋曉卷

元吳文泰

碧水連空入望深
匡廬秋色正蕭森
曙分巴峽猿聲斷
月落湘潭鴈影沉
宿霧收邊橫荻渚
炊煙起處隔楓林
何因得似歸來棹
笑傲衡門自楚吟

題燕穆之楚江秋曉圖

元瞿畋

木落秋江露濕衣
放舟有客候潮歸
煙霞髣髴天將曙
星斗升沉影漸稀
避弋鴈鴻投渚宿
忘機鷗鷺傍人飛
巫山巫峽曾登覽
猶憶題詩在翠微

題燕穆之楚江秋曉圖

元 曹 恕

空江煙霧曉微茫
潮落沙寒洲渚長
颿拂曙光開夢澤
鴈將秋色渡瀟湘
荻花團露輕盈雪
楓葉迎霞遠近霜
倚棹令人添遠思
漁歌欸乃起滄浪

題楚江秋曉卷

元 僧普震

楚江秋向曙畫裏景依然旭日浮波面涼風動樹顛同
來桃葉渡相並木蘭船欲問西洲信潯陽何許邊

題楚江秋意圖

明楊基

萬里巴江入海流水空天濶鴈行秋楚歌未斷秋風起
一段青山一段愁

楚江清遠圖

為沈倫畫并寓九
曲山房作四首

明張羽

煙霏亂晴旭遙見西林山憶歸東湖遠人家春樹間荆
扉映水掩應待龐公還

坐愛西山翠手板方支頤白鳥逝如彼孤雲淡若斯誰
能閒料理空滯還山期

郢水不可極荆門望漸微青山將落照偏映酒家扉漁
梁夜爭渡知是醉巫歸

潮落寒沙廣蒼然遠山暮何處畧師歸自識門前樹披
圖憶所歷髣髴松溪渡

題燕穆之楚江秋曉圖

明陳寬

五更人語覺潮生估客帆檣候曉行樹色未分雲夢澤

雞聲已動漢陽城
天空畫角吹霜盡
月落銀河入斗橫
欲問楚南千古事
至今江水為誰清

楚江晴曉圖

明 吳文恭

曉曉曙光起湛湛江楓白
河漢縱復橫分明見秋色
天空爽氣清露濕千峰碧
微茫雲夢渚迢遞潯陽宅
五柳高且踈涼風正蕭瑟
孤鶴橫江來扁舟正攜客

題鄭德彰員外所藏高彥敬畫楚江春曉圖

明 藍智

旭日未出羣山昏蒼茫楚江多白雲芳洲無人采蘅杜
落花飛絮春紛紛晴嵐滿戶漁家曉花枝髣髴聞啼鳥
巫陽夢斷三峽空湘渚愁深九疑小文彩風流高尚書
如此江山歸畫圖平湖煙靄水空濶陰壑松檜天模糊
左司郎官何處得高堂紫翠生春色是中疑有五湖人
一葉扁舟蕩空碧風塵兵革浩茫茫對此便欲歌滄浪
碧梧翠竹生高岡豈無彩鳳鳴朝陽

楚江秋曉卷

明沈周

天連湘漢水悠悠水色微茫接素秋殘月已沉三國恨
亂雲初散九疑愁南方流落身將老西侯蕭條客倦遊
欲採蘋花恨無伴美人迢遞隔滄洲

楚雲湘水圖歌

謝張師
夔教授

元
龔
璠

離騷之國幾千里十幅蒲帆順風駛順風猶須兩月程
伊誰移來墮書几張君墨妙遊戲爾亂峰因君接天起
蒼然古木摧不死君應曾隱茅屋底得非是間種蘭芷
慘淡經營那及此松連閣上聽秋聲讀書眼花字如蟻

玉立長身挾童子披圖置我平生喜憶昔詩家愛許渾
凌歊荒臺尋舊址云何姑孰大江邊望湘潭雲尺有咫
我今識君意總為詩料理雲兮楚之雲水兮湘之水迴
鴈夕陽銜一葦山高見衡岳江遠會南紀君兮君兮可
奈何我詩敢劇屈賈壘

題晴川圖

元 岑安卿

清溪粼粼生淺花曉日倒射搖金沙翩然雙鷺下危石
玉雪照影無纖瑕溪邊小景入畫圖青煙綠樹漁翁家

漁翁歸來歌未終鷺鷥忽起蘆花風回眸遙望不可極
但見白玉飛青空昔年夜宿瀟湘浦徹曉不眠聽急雨
解衣曳杖立沙頭何似今朝得容與長安馬寒泥沒腹
雪滿朝衣凍肩縮試令援筆題此圖長篇應賦歸來曲

清江圖

元貢性之

江驛背孤城江流繞舍清露枰松下奕驛騎柳邊行帆
落晴窗影鐘傳雨寺聲堆牀餘簡帙列座總耆英燕語
能留客鷗馴解結盟詩郵趨堠吏衙鼓集關兵薄俸尊

仍滿新知蓋屢傾不才翻自愧何以荅深情

題洋江林彥禎所藏洋江春晚圖

明陳亮

江上曉來晴春波鴨綠生山雲半斂色汀芷盡含榮
野艇乘潮去官橋隔岸橫亭中舒眺者猶有愛鵝情

太平寺水

郡人徐交畫
清濟貫河

宋楊萬里

太平古寺劫灰餘夕陽惟照一塔孤得得未看還不樂
竹莖荒處破殿虛偶逢老僧聽僧話道是壁間留古畫

徐先紀筆今百年元師相傳妙天下壁如雪色一丈虛
徐生畫水纔盈堵橫看側看只麼是分明是畫不是水
中有清濟一線波橫貫萬里濁浪之黃河雷轟電卷儘
渠猛獨清元自不隨他波痕盡處忽掀怒攪動一河秋
色暮分明是水不是畫老眼向來元自誤佛廬化作金
施樓銀山雪摧風打頭是身飄然在中流奪得太一蓮
葉舟僧言此畫難再覓官歸江西却相憶并州剪刀剪
不得鵝溪足絹官莫惜貌取秋濤懸坐側

題馬遠十二水

明王世貞

上帝兩帶垂長江黃河流崑崙觸天漏下貯海一杯震
澤與洞庭滙作東南漚風雲出千變日月浴雙輶泓
寫秋星蕭瑟競素秋木落清淺出石壓琮琤抽其細沫
貫珠巨者膏九州誰能傳此神母乃宋馬侯解衣盤礴
初已動馮夷愁天一臆間吐派九筆底收生綃十二幅
幅幅窮琕鏤憶昔進御時陡豁神龍眸遂令大同殿濤
聲撼牀頭六宮攝其魄所以不欲留楊妹即大家女史

司校讐朱填六玉箸墨宛四銀鉤錦標賜兩府青紉潤
千秋晴牕乍開閱如練沾衣構恍作銀漢翻侵我白玉
樓當其鬱怒筆眉表騰蛟蚪及乎汨舒徐遙頸延鷺鷥
動則開智樂淵然與心謀老師鑑湖曲興盡剡溪舟左
壁桑氏經右圖供卧游那能學神禹胼胝終荒丘

遠覽圖

為尹元夫乃翁
題兼與張文邦

明
廖道南

揚舲憶昔辭江國朝遊黃鶴暮赤壁五老香爐積煙紫
九華蓮葉凌空碧三山二水入金陵龍蟠虎踞高霞蒸


雨花徒倚雞鳴望天界迴翔牛首登感慨浮生忽南北
春光閱盡還秋色夜宿波濤狎白龍寒棲島嶼鄰丹極
英雄聚首築黃金況復鈞天聞古音鵬雲蔽天九萬丈
鯨海噴雪三千尋達人大觀忘爾我造化蘧廬無不可
劍倚層雲日月低槎橫南斗星虹墮君即當年尹彥明
蒼顏白髮餐芝英雲陽山深列仙集頃覺兩腋靈風生
羽衣翩翩千萬里安期羨門何足齒兩都賦就擲金聲
誰能復續張平子

江皋圖

明 李延興

江晚月未上白煙滿芳洲雨止山氣佳
衡扉在巖幽浦迴沙漫漫松聲露浮浮
水田旱稻熟稍欣獲有秋曠爽來清風
未夏炎歎收野人樂江居垂綸水西頭
得魚送鄰家酒好仍見留童仆喜相隨
浩歌送飛鷗古時放達人傲睨輕王侯
馬能繫塵鞅憧憧為身謀

御定歷代題畫詩類卷五



總校官庶吉士臣侍朝

校對官編修臣裴謙

謄錄監生臣劉昀

謄錄監生臣曹秀榆

欽定四庫全書

集部

御定歷代題畫詩類卷六

七

欽定四庫全書薈要

御定歷代題畫詩類卷六目錄

地理類

李思訓畫長江絕島圖 宋蘇軾

江山萬里圖 元王惲二首

江山萬里圖 元陳樵

江山萬里圖 元宋无

題江山萬里圖 元陶宗儀

萬里江山圖

元僧善住

萬里江山圖

明王禕

江山萬里圖

明陳秀民

千里江山圖

元李俊民

題蕭照江山圖

元柳貫

題龔翠巖江山圖

元華幼武

江山圖

明湯顯祖

題盧元佐所藏江山圖

明高遜志

題長江萬里圖後 元王惲

商學士萬里圖 元馬祖常

子久萬里長江圖 元吳鎮

題長江萬里圖 元丁復

長江萬里圖 元丁鶴年三首

題僧巨然長江萬里圖 明汪廣洋

長江萬里圖 明楊基

題夏禹王長江萬里圖 明陸完

題長江萬里圖 明唐文鳳

長江萬里圖 明楊慎

題長江萬里圖 明沈周

龐才卿畫長江圖 金趙秉文

長江圖 元牟巖

題顧氏長江圖 元戴良

題江貫道長江圖 明黃觀

題江參長江圖 明陶琛

長江偉觀圖

明錢宰

題史引之所藏長江六月圖

明顧清

題桑直閣江山勝槩圖

明王佐

江山勝覽卷

明陳振

宋駙馬王詵江山勝覽圖

明顧應祥

題江湖勝覽圖

明陳昌

題江湖勝覽卷贈李彥暉

明張和

江湖勝覽卷

明姚綸

瑩禪師房觀山海圖 唐李白

題海圖屏風 唐白居易

觀王美人海圖障子 唐梁鎰

讀山海經圖 宋歐陽脩

題觀海圖 元黃潛

題觀海圖 元丁復

李遵道海嶽圖 元鄭元祐

題海峰圖 明王世貞

自和因思國史燕穆之傳稱其知明州革輕悍鬪
爭之俗及今海潮圖作宋晁說之

題海昌秋潮圖

明金肅

海潮圖

宋樓鑰

題海潮圖

元袁桷

題海潮圖

元柳貫

古觀潮圖

元楊維禎

題潮出海門圖

宋陳造二首

題童壽卿潮出海門圖

宋王炎

浙江潮圖

元劉因

浙江潮圖

明張以寧

錢塘江潮圖

明李東陽

錢舜舉江潮圖

明張寧

春雨晚潮圖

元吳師道

趙千里夜潮圖

元王冕

題夜潮圖

元謝應芳

為詹同文題浙江月夜觀潮圖 明劉基

李嵩宋官觀潮圖 明張憲

題月落潮生圖 明張以寧

題閻立本職貢圖臨本 金趙秉文二首

閻立本職貢圖 金閻長言

胡虔取水蕃部圖 元虞集

題胡虔汲水蕃部圖應制 元揭傒斯

題西域圖 明陸淵

題日本僧雲山千里圖

明張以寧

題李都督朝鮮圖

明洪瞻祖

欽定四庫全書薈要卷一萬九千一百十四集部

御定歷代題畫詩類卷六

地理類

李思訓畫長江絕島圖

宋蘇軾

山蒼蒼江茫茫小孤大孤江中央
崖崩路絕猿鳥去惟有喬木攬天長
客舟何處來櫂歌中流時抑揚沙平風
輭望不到孤山久與船低昂峨峨兩煙鬟
曉鏡開新妝舟中賈客莫漫狂
小姑前年嫁彭郎

江山萬里圖 二首

元王惲

勝覽何人作此圖，雄誇天險亦區區。
經營意匠羣工上，慘澹風煙百戰餘。
並轡相夷嗤宋魏，舞干來遠美唐虞。
只今一統無南北，正要懷柔謹厥初。

江山列地出新圖，限隔東南見奧區。
與校廟謨雖有間，細看邊備到無餘。
忌功去玠甘捐蜀，併力亡金笑假虞。
千古美芹高議在，不應成敗論終初。

江山萬里圖

元陳樵

生憎李郭畫山川鑿破鴻濛混沌圓
尺地寸天都剪碎
女媧鍊石是何年

江山萬里圖

元 宋 无

咫尺寒流千萬峰
湍聲寂寂暮猿空
買船欲泛春潮雨
楚樹吳雲是畫中

題江山萬里圖

元 陶宗儀

滾滾長江出全蜀
一派波濤瀉寒玉
天設巨壑鴻濛先
厥德靈長紀南服
濫觴岷松畧巴梁
分源岨峽走豫章

吐吞沅澧引沱滢包括洞庭納鄱陽玉壘蛾眉兩磅礴
石鏡武擔連劍閣合江西頭萬里橋漢使入吳曾駐泊
丈人拔地高青城翠浪起伏勢東傾雪山去此知幾許
一覽如隔芙蓉坪丞相祠前森老柏支機石在君平宅
浣花溪碧草堂幽越王宮殿成狼籍中巖林泉嘉處多
相傳嘗栖諾詎那慈姥老龍亦共止巖阿小寺埋薜蘿
渡瀘亭對諸夷路尚疑果從何處渡魚復浦中八陣圖
前後縱橫經緯布灑灑散髮怒莫撓黑石獐惡茶槽并

巫峽之險復愈此凝真觀前加震驚十二峰巒羅翥鳳

船過神鴉管迎送吒灘直接歸州灘自昔號為人鮓瓮

黃牛廟睇黃鶴樓雲夢澤通鸚鵡洲赤壁臨皋纔尺咫

琵琶亭下蘆花秋匡廬雄尊五老立大孤小孤遙旅揖

彭郎磯前即馬當九華采石青戢戢鍾阜龍蟠奠九州

石頭虎踞當長流北固紆徐鐵瓮堅金焦兩點猶浮漚

春申墓陰鵝鼻嘴角力狂瀾障厓趾煙水瀾漫豁海門

亘古朝宗從此始彼美畫師儒林英天機所到雙眼明

拂拭素繭埽玄瀋閉戶不聞風雨聲老夫平生山水癖
白首臥遊還歷歷客持卷軸請我觀題詩聊復識疇昔

萬里江山圖

元僧善住

巴水沄沄巴峽青月明客淚墮猿聲眼中已識瞿唐路
剝水殘山懶問名

萬里江山圖

明王禕

昔日曾作子長游萬里江山一客舟攬得瑰奇滿胸臆
怪來開卷思悠悠

江山萬里圖

明 陳秀民

曹郎胸中墨數斗筆下煙雲千萬重崑崙積石泰華接
瀟湘雲夢銀河通岷峨翠流三峽水衡嶽青連五老峰
清溪九曲處士屋丹霞百丈神仙宮下有臨淵欲墜之
靈石上有參天不老之長松嵐光雨氣迷遠近咫尺萬
里將無窮誰知大地山河境乃在冰縑意匠中我今撫
卷三歎息畫史真能奪化工

千里江山圖

元 李俊民

筆下江山取意成一峰未盡一峰生憑誰試向行人問
水郭煙邨第幾程

題蕭照江山圖

元柳貫

荻浦楓林宿暮煙夕陽收盡月浮灣騷人一曲江南思
彈徹箏篴送鴈還

題龔翠巖江山圖

元華幼武

山雲白白樹青青正是江南第一程却憶西津舊時路
黃沙漲滿少人行

江山圖

明 湯顯祖

地拆東南一半無天傾西北幾雄都秦皇不合求仙去
眼見江山是畫圖

題盧元佐所藏江山圖

明 高遜志

結筇曾住白雲間遊宦多年客未還開卷偶然鄉思動
數峰渾似鄂州山

題長江萬里圖後

元 王惲

穉年屋居三十春老境誰遣東南奔去秋有詔持使節

北自邶衛官甌閩閩中水淺百味澹但覺草木多精神展
放江山萬里圖卷中瀟灑似堪娛寄聲故國游觀客卜
築蘇門儘可居

商學士萬里圖

元馬祖常

曹南商君儒家子身登集賢非畫史酒酣氣豪不敢使
揮灑山水在一紙咫尺萬里乾坤意人言造物真兒戲
盤紆流動各有象變化歛忽風雲至吾觀崑崙西月出
更觀扶桑東日生形勢開合限內外分野上合星辰精

大禹鑄九鼎鄒行別九州豈但草木異乃有鬼魅憂噫
嘻奉常官祿薄百錢縫囊貯丘壑為爾作歌還一喙何
年淮南戴青箬

子久萬里長江圖

元 吳 鎮

一峰胸次多礪礪興寄江山尺素間南北橫分疑作限
西東倒注未曾還山圍故國人非舊水遶重城樹自閒
尤羨箇中時序換昔年禹玉豈容攀

題長江萬里圖

元 丁 復

天不限南北人方樂耕漁承平百年日慷慨萬里圖恍
然舊遊地浩蕩清興發放船白帝城下秋載酒黃牛峽
中月明發古夷陵為訪姜詩井披蓊冒脩筒寒花汲空
冷湍流激柔櫓峻下荆門灘荒藤漢景廟落日還登攀
霞沈宜都驛夜宿松滋渡水色瑪瑙光絳星粲無數荆
南亦坂郢章華猶故臺壞堤明斷鏃團沙如粟堆雨休
雲夢澤天空洞庭水曹瞞敗軍處殘灰餘故壘仙人白
雲表招手為我留待網嘉魚穴銜華黃鶴樓醉來思瀾

衡憤起叱黃祖不見人間來鳳皇何用筵前賦鸚鵡磯
頭若蹲虎江流多怒聲客枕不成寐已在潯陽城飛瀑
瀉銀河匡廬倚天碧遙憶義熙人黃花空好色黃陵二
女廟小姑江上頭舟人問風水幾日到揚州月色過馬
當長風沙在眼鴈投秋浦雲鴉啼戍樓晚蕪湖水東注
逆磯無回波兩山隔江潄倒浸雙青蛾抵掌女媧石浩
然歌白紵太真然犀真自愚謫仙騎鯨竟何去黃須天
子七寶鞭曾挂當塗道邊樹一百二十里樹色連長干

豪將多反覆都邑無時安金蓮曉步減玉樹朝歌闌干
載空舊迹令人起長歎天運開昌期地險亦何有年年
江上春東風入楊柳往來白下亭日夕金陵酒艤船出
金焦越賈行松維況聞巴人婦半是吳女兒我生亦何
幸白首無亂離所願億萬年永永長如斯

長江萬里圖

元

丁鶴年

右逾越雋左蓬壺萬里提封入壯圖斷石雲屯山擁蜀
驚濤雪立海吞吳蟠桃有實來青鳥若木無枝駐赤烏

秦漢經營人盡去獨留形勝在寰區

長江萬里圖

二首

元 丁鶴年

長江千萬里何處是儂鄉忽見晴川樹依稀認漢陽
長嘯還江國遲回別海鄉春潮如有意相送過潯陽

題僧巨然長江萬里圖

明 汪廣洋

老禪好畫如好禪不到覺悟不肯息一朝縱筆恣揮灑
萬里長江落胸臆我聞大江之水出岷山漢江之水出
嶓冢兩江合流東向趨霧滂雲蒸變俄頃此圖乃獨見

源委豈與尋常畫師比地形筆勢俱兩全白壁黃金謾
堆几又聞瞿塘之險天下無江水倒瀉山糝糊烏石灘
高浪濤急白帝城荒古木疎枯藤挂壁下獼狖苦竹緣
江啼鷓鴣展圖不得一見此令我扼腕長嗟吁世間好
畫豈易得討論應須待裴迪欲追太史賦遠遊直上岷
峩看晴碧

長江萬里圖

明楊基

我家岷山更西住正見岷江發源處三巴春霽雪初消

百折千回向東去江水東流萬里長人今漂泊尚他鄉
煙波草色時牽恨風雨猿聲欲斷腸

題夏禹王長江萬里圖

明陸完

雲山蒼蒼江漠漠紹興年間夏珪作珍重須知應制難
卷尾書臣字端恪却憶當時和議成偏安即視如昇平
惟開緝熙較畫史兩河淪棄無人爭斯圖似寫南朝土
還有樓臺在煙雨釣叟蓑翁不可呼漁舟野店誰能數
但覺層層境不同林泉到處生清風意遠筆精工莫比

只許馬遠齊稱雄中原殷富百不寫良工豈是無心者
恐將長物觸君懷恰宜剩水殘山也畫終思效一得愚
更把飛鴻添在圖願君且向飛鴻問五國城頭信有無

題長江萬里圖

為蜀人趙
中道賦

明
唐文鳳

一塵老屋城南隅讀書樂道非愚夫西川有客踏秋雨
訪予手把長江圖披圖細數經行處天山白積銀為樹
冰漸暖沁六月流雪波怒向三巴注蜀江溶溶遠紆迴
巨靈擘破巫峽開勢雄地東不得逞直走萬丈疑奔雷

瞿塘濫灝天下險，巨石雙分銳磨剪。盤渦每憂巨浸深，
冷噴猶嫌急波淺。人鮓瓮頭雲結愁，饑蛟晝舞寒風秋。
至喜亭邊可貰酒，秭歸縣前仍艤舟。荆湘蕩漾平於掌，
蒲帆箭疾飛雙槳。蒼龍山露翠煙中，白虹水接銀河上。
岳陽樓高明月光，仙人踏破鶴背霜。玉簫吹碎丹鳳語，
寶劍拭動青蛇光。洞庭茫茫接彭蠡，千里相望同尺咫。
無情五老蒼顏凋，含羞二姑黛鬟美。揚瀾瀦滴鄱湖寬，
水府馮夷嚴守關。明珠泣墜淵客怨，冰綃織就鮫人閑。

嶠磯秉靈孫小女冷風倏度神巫語客回盡望江東雲
鳥歸帶得淮南雨須臾放棹下金陵蓬萊宮闕高峻嶒
聖人黃衣御宸極紫霧衝霄王氣騰浪游歷記萬餘里
噩夢驚魂幾悲喜江花江水興無涯點染丹青煩畫史
賦詩題畫心悠然才思逸發如湧泉酒酣擊節唾壺缺
醉和少陵雲錦篇

長江萬里圖

明楊慎

五才坎德迴靈長萬里岷山始濫觴流漢天迴經濫觴

盤渦谷轉下柴桑揚瀾左蠡曾潭府大壑歸虛廣莫鄉
天遣陽侯分淼淼帝咨神禹畫茫茫青岑翠觀鮫人館
水碧金膏龍伯堂景浴陽烏朝旭早皴然陰火夜霞光
煙寒星散三洲樹風駛雲飛百尺檣鶴子鳬雛喧澍雨
紋螺錦蚌映翔陽籠筒津鼓驚浮客欸乃漁歌屬漫郎
洒磬石鍾鐸島嶼輕連頻影媚滄浪投鞭堪笑符堅策
靜練難賡謝朓章彩鷁退飛休借問白鷗浩蕩信徜徉

題長江萬里圖

為郭
總戎

明
沈周

元戎大開寶繪堂紫錦薦几霞幅張手披牛腰之甲卷
水墨迤邐蹤微茫我從魚鳬弔往古灌口玉壘煙蒼涼
青城雪山蔽虧處導江之岷不可望三水合流錦官當
三娥九頂遞接翠樓觀縹緲天中央渝涪城高宛相峙
嘉陵姚江吹枕傍陣迹齒齒石作行風雲慘澹開瞿唐
黃牛灩澦難舟航青天仰漏一線光峽窮江廣見漢陽
黃鶴赤壁相低昂廬山五老天下觀順流漸見迎風檣
大姑小姑交嫵媚何年爭嫁彭家郎三山九華連建康

南都宮闕何煌煌大明定鼎龍虎合萬古鞏固皇圖昌
真州潤州列兩廂金焦業截當喉吭直吞天派納海口
有若萬邦來會王座中指點皆歷歷絞綃數丈萬里長
老夫困頓今白首欲往遊之無裹糧徒然感慨在牖下
捕影捉風消熱腸心搖搖兮悵徬徨佩有蘭兮襲瑤芳
江兮漢兮不可度望美人兮天一方少陵東坡二豪者
風流在在留文章英雄割據未暇論卧龍獨數人中強
元戎元戎將之良此卷兼與韜鈴藏南征西伐或有事

按圖索程猶取囊非惟供翫託深旨居安慮危心不忘
嗚呼居安慮危心不忘

龐才卿畫長江圖

金趙秉文

青山隱隱水悠悠何處長江是盡頭欸乃一聲人不見
忽從天際下歸舟

長江圖

元牟巖

漢川影落鸚鵡洲金山鐘到多景樓老龍幾載卧寒碧
中間不斷萬古流晚來雪浪大如屋澎湃舞我一葉舟

舟移岸轉知何處
離離煙草令人愁
說與渠儂莫倚柁
轉帆別浦盍少休
此圖此景俱可惜
展翫不足空白頭
家住江水發源處
何時還我舊菟裘

題顧氏長江圖

元戴良

天下幾人畫山水
虎頭子孫世莫比
何年寫此長江圖
多少江山歸筆底
巴陵三峽天所開
遠勢似向岷峨來
洞庭瀟湘僅毫末
楚客湘君安在哉
江上一朝風雨急
老我曾來踏舟立
鼓枻既聞潭畔吟
抱琴復聽竹間泣

別來幾日世已非
忽此披圖憶曩時
早知避地多處所
肯逐紅塵千里歸
林下一夫巾屨似
亦有舟人與漁子
能添野老煙波裏
便與同生復同死

題江貫道長江圖

明黃觀

離離衆樹深靄靄
孤雲碧山色望難窮
江流浩無極漁歌遠
渚昏鳥下平蕪夕惆悵
趁風波扁舟何處客

題江參長江圖

明陶琛

石出夜潮落山明寒霧消
江空千里櫂邨迴一歸樵
樹

色連沙嶼人家傍野橋還同舊棲地風景日蕭蕭

長江偉觀圖

明錢宰

第一江山獨凭闌秋風斷石倚江關兩峰並立星河上一水中流天地間海日東生月西沒官船北去客南還莫愁白髮搔來短酒落金盤入醉顏

題史引之所藏長江六月圖

明顧清

長松泠泠生畫寒高巖側綴青琅玕陽坡宛轉行朱闌青莎滑膩碧蘚斑紅橋直走凌驚湍下接孤嶼高巔巔

隔江青山如伏獮柴扉草堂相對安漁舟縹緲青林端
樵童牧叟時往還羣山忽斷百里寬青蒲綠藻紫微瀾
臨江飛閣叢井幹江流石角隨彎環前山轉深勢未殘
層崖複磴勞躋攀上方寂寞空禪關平林演迤臨江干
江迴山盡路險艱飛梁側臥波潺潺江流自此入渺漫
遙山一抹天際看東京畫史真高閒故將山水窮瓌觀
岷峨嘉陵遠莫殫九華落星揚子灣晴洲歷歷被芳蘭
美人不來空浩歎疾風吹塵暗燕山金星龍尾冰攢攢

燭熊熾豹光赫殷為君炙兔埽冰紈君歸終日山水間
肯憶羸馬隨朝班

題桑直閣江山勝槩圖

明王佐

我昔趨神京道出匡廬峰手持綠玉杖遍踏金芙蓉是
時秋高天氣肅最愛秋聲滿巖谷萬頃湖光帶白蘋九
疊屏風挂飛瀑結巢便欲棲雲間夔龍趨赴羣鷗鸞才
名用世果何有贏得歸來雙鬢班至今夢想煙霞趣擬
托毫鯁寫情素君家此圖誰所模似我當時舊遊處遠

山縹緲如遊龍好處盡在煙嵐中晴波落日曳澄練枯
林老葉鳴秋風屠蘇高下林間起水色山光畫圖裏軟
紅無路到柴扉空翠常時撲書几中流放棹知何人錦
袍坐岸方烏巾若非高潔魯連子應是風流賀季真我
生垂老願未酬魯人豈識東家丘圖中勝槩倘易致便
從此地營菟裘

江山勝覽卷

明陳振

維揚有客思飄飄歷覽山川不憚遙巫峽秋濤雲夢雨

吳門夜月浙江潮北瞻燕冀天應近西渡巖函雪未消
到處幽奇看不盡更收餘興入詩瓢

宋駙馬王詵江山勝覽圖

明 顧應祥

王郎妙手絕代無生綃寫出江山圖飄揚天趣入三昧
點染意象爭錨銖遠山模糊近山碧澄江一帶橫秋色
老樹參差曲岸妨迴波搖蕩崩隄仄人家臨水盡開門
儼如雞犬聲相喧萬杉路隔煙霧洞獨木橋通楊柳邨
忽然突起作險狀兩厓怪石森屏障峰迴麓轉勢復平

賈舶漁舟互來往樓臺隱隱雲中起疊嶂層巒青未已
風帆渺渺天際來咫尺渾同千萬里

題江湖勝覽圖

明陳昌

馬卿子清而矍狂非狂迂非迂不愛養浮丘伯之黃鶴
不愛釣任公子之巨魚年來只愛江湖居江湖風月足
清興筆牀茶竈尋常俱船頭紅拂唱巴曲船尾黃帽歌
吳歎歌吳歎唱巴曲妙舞清商間絲竹白日歡游殊未
足復擬黃昏秉銀燭風帆催送寒山鐘直向垂虹橋下

宿

題江湖勝覽卷贈李彥暉

明張和

萬里一孤舟常年事勝遊
星河三峽夜煙樹五湖秋
跡擬玄真子名齊博望侯
翻憐蓬萊士白首臥林丘

江湖勝覽卷

明姚綸

江湖隨處豁吟眸不滿書囊卒未休
日下風雲瞻魏闕淮東歌舞認揚州
一篷疎雨鷗邊晚千里殘霞鷺外秋
見說武昌城畔柳尚含青眼待重遊

瑩禪師房觀山海圖

唐

李白

真僧閉精宇滅跡含達觀
列障圖雲山攢峰入霄漢
丹崖森在目清晝疑卷幔
蓬壺來軒窗瀛海入几案
煙濤爭噴薄島嶼相凌亂
征帆飄空中瀑水灑天半
崢嶸若可陟想像徒盈歎
杳與真心冥遂諧靜者翫
如登赤城裏揭步滄洲畔
即事能娛人從茲得蕭散

題海圖屏風

唐

白居易

海水無風時波濤安悠悠
鱗介無小大遂性各沉浮
突

兀海底鼇首冠三神丘釣網不能制其來非一秋或者
不量力謂茲鼇可求鼇負牽不動綸絕沉其鈎一鼇既
頓頷諸鼇齊掉頭白濤與黑浪呼吸繞咽喉噴風激飛
廉鼓波怒陽侯鯨鯢得其便張口欲吞舟萬里無活鱗
百川多倒流遂使江漢水朝宗意亦休蒼然屏風上此
畫良有由

觀王美人海圖障子

唐
梁 鋌

宋玉東家女常懷物外多自從圖渤海誰為覓湘娥白

鷺栖脂粉頰魴躍綺羅仍憐轉嬌眼別恨一橫波

讀山海經圖

宋 歐陽脩

夏鼎象九州山經有遺載空濛大荒中杳靄羣山會炎
海積敲蒸陰幽異明晦奔趨各異種倏忽俄萬態羣倫
固殊稟至理寧一槩駭者自云驚生兮孰知怪未能識
造化但爾披圖繪不有萬物殊豈知方輿大

題觀海圖

元 黃潛

昔年解纜岑江上初日團團水底紅鼉吼忽搖千尺浪

鷁飛仍挾半帆風遙看島嶼如星散祇謂神仙有路通
及此棲身萬人海舊遊却在畫圖中

題觀海圖

為張晉賢作

元丁復

自古十洲三島勝幾時一釣六鼃連千年王母蟠桃實
五百童兒採藥船日出早看金柱湧天空只擬玉壺懸
乘查欲接張公子直到牽牛織女邊

李遵道海嶽圖

元鄭元祐

李黃巖疎眉瘦體滿臆秋蘄蘄似厭分符礪谷底折腰

督郵面皺鬚髭髭竟騎鯨魚上天去帝憫人間留不住
乃令筆底飛墨如雲霧王維鄭虔本有素早年臨摹米
顛海嶽圖黃巖非有顛非無庵空月落山木擁是中疑
有窮猿呼二子風流俱不泯寶月夜夜生珊瑚

題海峰圖

為故金同
文先生作

明

王世貞

六鼇既失守十洲俄半摧蒼然東海色忽墮一峰來插
雲斗柄出浴日扶桑開停琴聽洪濤乘桴問九垓魯連
無世念安期有仙才高蹤不可即披圖良快哉

自和因思國史燕穆之傳稱其知明州革輕悍鬪
爭之俗及今海潮圖作

宋晁說之

燕公未肯祖虛無悍俗歸仁舉國書莫道邦人都背德
壁間猶有海潮圖

題海昌秋潮圖

明金肅

不信滄溟外奇觀尺幅收驚濤翻石壁匹練鎖炎州沃
日天疑近鞭雷地欲浮探微留妙墨長作廣陵秋

海潮圖

宋樓鑰

錢塘佳月照青霄壯觀仍看半夜潮每恨形容無健筆
誰知收拾在生綃蕩搖直恐三山沒咫尺真成萬里遙
金闕宮堯天尺五海王自合日來朝

海潮圖

元
袁 桷

銀潢清淺瑞星輝的的秋光下紫微欲識潮音真實相
落迦山畔五銖衣

題海潮圖

元
柳 貫

巨魚吞吐不知勞千古靈胥氣尚豪夜半西風槎信到

銀蟾初掛海門高

古觀潮圖

元楊維禎

八月十八睡龍死海龜夜食羅刹水須臾海壁龕赭門
地卷銀龍薄于紙艮山移來天子宫宮前一箭隨西風
劫灰欲死蛇鬼穴婆留朽鐵猶爭雄望海樓頭誇景好
斷鰲已走金銀島天吳一夜海水移馬蹠沙田食沙草
涯山樓船歸不歸七歲呱呱啼軹道

題潮出海門圖

二首

宋陳造

絕島平岡捲欲空
兩崖相對屹穹崇
即今畫手兼詩筆
更與江山角長雄

卷裏濤波快一披
蒼山踴起雪山馳
浮天沃日無窮意
到我春窗病酒時

題童壽卿潮出海門圖

宋王炎

潮來濺雪欲浮天
潮去奔雷又寂然
海上兩山元不動
更添此意畫中傳

浙江潮圖

元劉因

山人懶絕夢亦然，
如萬牛不可遷。
誰信畫工筆頭有
神力，扁舟一夜江聲寒。
覺來千里雪漫漫，
中有數點青螺閑。
人間天門壯觀已如此，
豈知大塊喘息四海如鼻端。
海中仙人冰雪顏，
吸風御氣非人寰。
試問濤頭何當還，
為我寄聲三神山。
我欲乘興遊其間。

浙江潮圖

明張以寧

浙江亭下彩舟開，
雪滿青天白晝雷。
聞說祇今亭上月
夜寒常照暗潮來。

錢塘江潮圖

為喬少卿
希大作

明 李東陽

錢塘江頭江倒流中有潮聲號萬牛堆銀如山雪如屋
遠影滅沒當空浮千峰將頽樹欲禿海若股栗天吳愁
來船歡欣勢自下瞬息千里無淹留去船乘危貴得正
力盡一過且復休躋攀分寸偶失手頃刻下飽黿與鮪
由來咫尺不自覺遠望不敢凝雙眸客來未到膽已落
借問同行還見不何人嬉笑欲起舞越東老翁搔白頭
羣兒招呼或助叫倏忽過耳風颼颼達士遐觀得奇賞

七澤五湖同一漚天道虛疑月盈缺世情妄假人恩讐

復將險巧作戲劇鄉里少年誇善汨潮來潮去亦何意
人間萬事良悠悠我時渡江不相值空對燕客談杭州
壯懷高興兩莫遂三十五年秋復秋誰將妙思入畫本
似與造化爭雕鏤酒酣月落不知處夢醒尚作江南遊

錢舜舉江潮圖

明張寧

錢塘江上怒潮來萬里天風動地雷白馬素車應浪說
吳王宮闕已成灰

春雨晚潮圖

元 吳師道

昔年曾看錢塘潮，龍山山下乘春濤。
中流回首洲渚變，孤塔不動青厓高。
雲昏水暗雨淅黑，雪噴電轉潮頭白。
浙江亭遠亂帆飛，西興渡暝千花濕。
空江茫茫魂欲斷，歸來十年今復見。
浩蕩東風滿畫圖，淋漓海氣飛人面。
春深故國芳草生，鷗夷遺恨何時平。
重游弔古惜未得，掩卷歌罷空含情。

趙千里夜潮圖

元 王冕

去年夜渡西陵關待渡兀立江上灘灘頭潮來倒雪屋
海面月出行金盤冰花著人如撒霰過耳斜風快如箭
叫霜鴻鴈零亂飛正是今年畫中見寒煙漠漠天冥冥
展翫陡覺心神清便欲吹簫騎大鯨去看海上三山青

題夜潮圖

元謝應芳

昔余夜醉錢塘酒看潮八月中秋後銀山湧出海門來
潮聲殷若雷霆吼此圖之作知幾年當時景物皆依然
雲山兩岸澹籠月雪岸一江高拍天一觀頓覺毛髮立

再觀祇恐衣裳濕扁舟漁子任掀舞別渚鷗鳬自翔集
奔騰澎湃無足驚人間平地風波生乘桴尼父果浮海
從遊我欲跨長鯨

為詹同文題浙江月夜觀潮圖

明劉基

君不見四時平分成歲功以秋繼夏獨不同炎官挾長
握天柄七月赤日熺玄穹蓐收抱鉞蹲白水野氣赫赫
攄潁虹陽侯喘汗河伯暘少昊上訴愁天公會須萬物
長養遂斯以仲月虛宵中此夜姮娥魄正滿命駕四蟾

駢兩駢指揮禹強出玄渚蕩滌敲燬清靈蒙河漢發源
牛斗下曲江上與天津通初看一髮起溟徼如曳組練
來於東漸聞殷駢鼉鼓發倏忽萬雷聲撼風天吳掉尾
出溟滓馬銜揚鬚招海童霓旌縞帳鷺羽幃瑤臺十二
浮空濛蕊珠仙人乘玉輅騰駕鶴鵠飛氄氄長庚歛霍
挾光耀靈母扶龍嗥夏銅宓妃起舞素女從瓊珮綵綵
雲帡幪冰綃霧縠紛颯纚霜旂雪旛高翳空鯨魚呀呬
蛟鰐遁蒲牢哮吼馮夷宮瞿唐巫峽起平地濫灝若象

鑒回漚先驅已過赤亭嶂後從始發龕山硤商聲爽浙
合羣籟澤國凜凜寒欲凍先生翫月坐樓上夜氣澄寂
神和冲憑闌快覩煩暑退呼兒命酒澆喉嚨自舞自歌
歌自作月照白髮三千總歌聲迤颺林壑應竹樹戛擊
絲與桐淵魚躍波棲鳥作紫桂繞屋清香融君歌曲終
響未終我歌激烈留征鴻瞠眸相視俱老矣況有衆病
來交攻聖明天子御宇宙威惠與天相比隆首丘儻許
謝輶絆猶有古月光腫朧行當唱和三百首永與潮汐

流無窮

李嵩宋宮觀潮圖

明張憲

磁州夜走泥馬駒卧牛城中生綠蕪炎精炯炯照吳會
大築錢塘作汴都玉殿珠樓連翠閣七寶簾櫳敞雲幙
生移艮岳過江南不數東京舊帷樂茂樹盤盤迷綠雲
龍飛鳳舞峰巒奔玉牀下壓大江小海水正入東華門
木樨花開秋可數統統靈鼉振天鼓海門一線截江來
雪壁銀城畫飛舞吳商楚估千萬艘黃龍戰船頭尾高

豈無海道走中土長驅逐北乘風濤煙霧蒼蒼繞城郭
屋瓦魚鱗互參錯百萬驕民事醉醺坐使中原厭羊酪
因循六帝不復讐西風八月凭江樓攢宮人飲白骨恨
洪波不洗青衣羞邦基削盡師臣逐軹道人降子嬰哭
繡胸文頸踏浪兒反首誰能報君辱廟子沙頭卓大旗
天吳縮頸不敢馳行人指塔話楊璉三十六宮秋草飛

題月落潮生圖

明張以寧

參橫天末樹陰收風響蘆根海氣浮笑語漸聞燈漸近

誰家江上早歸舟

題閻立本職貢圖臨本

二首

金趙秉文

周王職貢朝萬邦
右相丹青古無雙
好本不應天下獨
解如明月印千江

金羣勢面覘天庭
王會圖中見典刑
已了宣威沙漠事
更煩右相寫丹青

閻立本職貢圖

金閻長言

諤諤昌周此一書
形容藝貢寫成圖
寧知右相無深意

莫指丹青便厚誣

胡虔取水蕃部圖

元 虞集

駝車度磧輒三日老馬跑沙泉水溢橐囊盛滿不辭勞
徼外天山雪千尺君不見聖明天子恩澤多旁及四海
猶翕河昆蟲草木感餘潤日獻醴泉甘露歌

題胡虔汲水蕃部圖應制

元 揭傒斯

沙磧茫茫塞草平沙泉下馬滿囊盛曾於王會圖中見
真向天山雪外行聖德只今包宇宙邊庭隨處樂農畊

生綃半幅唐人筆留與君王駐遠情

題西域圖

明陸淵

自從博望通西域唐代諸豪最盛強今日玉門關外路
不須請組繫名王

題日本僧雲山千里圖

明張以寧

天東日出天西入萬里虯鱗散原隰日東之僧渡海來
袖裏江山雲氣濕願乘雲氣朝帝鄉大千世界觀毫芒
却騎黃鶴過三島別後扶桑枝葉老

題李都督朝鮮圖

明洪瞻祖

王者安天下終資不戰功
金城圖略上青海戍樓空
長笛關山月寒砧木葉風
還將憂國淚添入錦題中

御定歷代題畫詩類卷六